

<<金元四大医家医学全书>>

图书基本信息

书名：<<金元四大医家医学全书>>

13位ISBN编号：9787537740562

10位ISBN编号：7537740569

出版时间：2012-3

出版时间：山西科学技术出版社

作者：(元) 刘河间 等著

页数：1066

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<金元四大医家医学全书>>

内容概要

金元四大医学家是指我国历史上金元时期（公元1115-1368年）出现的刘完素（刘河间）、张从正（张子和）、李杲（李东垣）、朱震亨（朱丹溪）四位著名医学家。

金元时期是中医学学术争鸣异常活跃的时代，金元四大家在医学上都有着重大的贡献，并各具特色。

刘完素是河间学派的代表人物，倡导“六气皆从火化”说，后世称共为“寒凉派”。

张从正是“攻下派”的代表人物，强调“病由邪生，攻邪已病”，擅长汗、吐、下三法。

李杲则创立脾胃内伤学说，习称“补土派”。

朱丹溪是“滋阴派”的代表人物，倡“阳常有余，阴常不足”及“相火论”，主张滋阴降火，擅治内伤杂病。

时至今日，四大医学家的学术思想和临证经验，仍被广泛应用于中医理论研究和临床实践。

<<金元四大医家医学全书>>

书籍目录

刘河间医学全书张子和医学全书李东垣医学全书朱丹溪医学全书

<<金元四大医家医学全书>>

章节摘录

凡此诸脉，悉当审其主客气之同异，视其胜衰，而言其病也。
气位已得，而脉气不应，是至而不至，则病气未至而脉气先变，及与岁政南北改易而应者，是未至而至则病也。

不应天常，阴位反见阳脉，阳位反见阴脉，是阴阳反矣，病而危也。

阴阳之位者，视其岁政南北而可知也。

上角，则左尺不应。

上宫，则右尺不应。

少阴在泉，两寸不应。

下角，则右寸不应。

下宫，则左寸不应。

所谓脉沉于指下不应，引绳大小齐等，故云不应也。

不应而沉者，故曰阴位也。

应而浮者阳也，故曰阳位也。

凡不应者，于指下反其平常之真也。

故经曰：主不应者，反其真则见矣，此之谓也。

欲知岁政之南北者，审君臣之运而可知也。

然五运以土运为君主，面南而为君，故曰南政。

余四运为臣，主面北而待君，故曰北政也。

阴阳之脉位者，亦为君臣之道也。

然六气以少阴火为君主，余皆为臣。

君治内而降其命，臣奉命而治其外。

外者阳也，故其脉浮；内者阴也，故其脉沉。

假令南政之岁，是面南而君之也。

遇少阴司天。所谓天位在南，故两寸不应，而脉沉也。

遇厥阴司天，则少阴在右，故曰上角则右寸不应。

遇太阴司天，则少阴在右，故曰下官则右寸不应。

遇少阴在泉，亦名司地，为在北，故两尺不应也。

左右同法，余皆仿此，皆随君火所在乃脉沉不应也。

斯其妙道，至真之要，昭然可征，而诚非谬矣。

故经曰：知其要者，一言而终，不知其要者，流散无穷。

此之谓也。

当阴之位而脉沉，当阳之位而脉浮者，平和之脉也。

阴位反见阳脉，阳位反见阴脉者，遇君火司天，地四岁有之之谓反。

反者，殆而死。

若阴位独见阳脉，或阳位独见阴脉者，是为不应，其非反也。

反者，谓尺寸也。

遇木或土司天，地之八岁有之，不名反而谓之交，阴阳俱交，是谓二次者，殆而死。

或阴独然，或阳独然，是谓不应气，非交也。

交者，谓左右也。

不应气者，病也。

阳位反见阴脉者，是谓君居臣位，虽失其常，不为大忤，则病而微。

阴位反见阳脉者，是谓臣居君位，为大逆，则病而甚。

交反着，殆而死。

所谓君反居其臣位，臣反居其君位，君臣异位，大反其常，逆天之道，其不殆而渐乎？

夫脉者，血之府也。

<<金元四大医家医学全书>>

心之所养，其应于火。

其动躁，故能动也。

血气流通，神之用。

故可以候其脉而知其病否。

然四时之脉，春弦夏数秋涩冬沉者，乃平和之脉也。

若不应者，亦不得便言其病。

盖人脉候悉应于天地之气也。

四时之脉，盖由寒热温凉气候使然也。

气温则脉弦，气热则脉数，气凉则脉涩，气寒则脉沉。

脉与天气中外相应则为平和，不相应则病也。

中外相应而亦病者，是脉应之甚也。

假令天气炎热，其脉当数，虽而一息，不过五至也。

所谓炎热则呼吸急速，脉也应之，故曰数也，命其息而可知矣。

一息六至或七至者病，所谓热也。

在里则脉沉数，当以下之；在表则脉浮数，当以汗之，此为治之大体也，反其治者死矣。

一息八至以上者死，所谓数之过极也。

余皆仿此，推而可知也。

或曰春得秋脉，秋得夏脉，夏得冬脉，冬得长夏脉，长夏得春脉，是四时官鬼相刑之脉，其病当死者，慎不可便言也。

然春脉当弦，秋脉当涩，若岁阳明金居初之气，为客气盛则其气大凉，其脉短而涩。

虽是春得秋脉，金当克木，是鬼贼之脉，又有何咎？

所谓脉应天时而至，虽反时位不反天常，皆为平和之脉也。

或曰肝病得肺脉，肺病得心脉，心病得肾脉，肾病得脾脉，脾病得肝脉，此实鬼贼之脉，其病必死者，亦不可便言其死。

假令春有脾病，或遇厥阴所至，其病欲愈，脉本位而见肝脉，是为和平之候也。

若便言死，岂非粗工之谬也。

若春气温和而肝有病，反见秋脉者，此是鬼贼之脉也，其病殆而殂也。

余仿此。

又孟春脉沉而不弦，孟夏脉弦而不数，孟秋脉弱而不涩，孟冬脉涩而不沉者，虽不应时，而亦非病也。

盖四时之气皆始于仲月而盛于季月，差在一月之后，人脉亦从之。

故经曰：命其差。

此之谓也。

……

<<金元四大医家医学全书>>

版权说明

本站所提供下载的PDF图书仅提供预览和简介, 请支持正版图书。

更多资源请访问:<http://www.tushu007.com>